

繡刻琴心

記定本

目錄

第一齣 家門始終

第二齣 相如倦游

第三齣 文君新寡

第四齣 設館都亭

第五齣 王孫作釀

第六齣 孤紅窺宴

第七齣 挑動琴心

第八齣 私通侍者

第九齣 臨流守約

第十齣 夜亡成都

第十一齣 臨邛夜追

第十二齣 相偕抵舍

第十三齣 漢宮春曉

第十四齣 家徒四壁

第十五齣 杜門謝客

第十六齣 當墟市中

第十七齣 勉撥房貲

第十八齣 歸途遇寇

第十九齣 得意薦揚

第二十齣 誓志題橋

第二十一齣 陽關送別

第二十二齣 給管求文

第二十三齣 空閨永嘆

第二十四齣 持節錦行

第二十五齣 奸臣誤國

第二十六齣 牛酒交歡

第二十七齣 金閨榮返

第二十八齣 招安絕域

第二十九齣 花朝舉觴

第三十齣 唐蒙設陷

第三十一齣 文君信証

第三十二齣 相如受紼

第三十三齣 空門遇使

第三十四齣 青囊阻嫁

第三十五齣 獄中哀泣

第三十六齣

廷尉伸冤

第三十七齣

茂陵春色

第三十八齣

卓老覓女

第三十九齣

長門望月

第四十齣

吟寄白頭

第四十一齣

賁金買賦

第四十二齣

錦江曉發

第四十三齣

片帆追送

第四十四齣

魚水重諧

琴心記

明 孫梅錫 著

第一齣 家門始終

漢武帝前席求賢。

卓王孫杜門辱婿。

倦相如終遂題橋。

另文君不孤絨句。

〔月下笛〕〔末上〕屈指少年。無端過了幾番寒食。流光可惜。白駒馳。錦梭擲。頻教燕子留春住。儘力留他不得。但黯然春去。落紅成陣。暮雲凝碧。無那新愁積。把才子文章。美人顏色。全憑翠管。巧將一段春纖。風流寫入宮商調。勸取騷場浪客。願休辭潦倒。看俯仰古今陳迹。今日是滿座風流才子。四方儒雅先生。喜聽錦囊佳句。願聞白雪新聲。所演的乃是相如琴心記。聽道家門始終。

〔滿庭芳〕蜀郡相如。臨邛卓氏。風流兩愛琴聲。當筵挑動。私約去都亭。可奈家徒壁立。勉當爐滌器營生。一旦題橋奮志。詞賦動朝廷。時來君寵渥。持旌奉

使太守郊迎。從此王孫獻食。諂奉文君。不道姻緣寧貼。白頭吟尙自伶仃。感長門千金一賦。重洽舊時情。

第二齣 相如倦遊

〔高陽臺引〕〔生上〕鵬困圖南。雕傷逐北。命乖時蹇難說。一點羈心。功名兩字消滅。願言守志蓬蒿裏。奈秋風漸凋華髮。但淒然臨瑟羨竽。背燈彈鋏。鷓鴣天〕有志能令氣不羣。無緣空自憤殷勤。縱橫已廢魚腸劍。涉獵難消烏篆文。愁白日。靚青雲。長安何處是明君。虛將兩淚滄江上。葉落蕭蕭不可聞。下官司馬長卿。蜀郡成都人氏。父母愛之。字曰犴子。有懷蘭相如之爲人。故自更名相如。久矣椿萱雙逝。傷哉琴瑟孤盟。曩歲以貲求郎。得爲武騎常侍。聊欲據蘊藉於當年。陳經濟於世主。爭奈景廟好談黃老。擯薄名儒。一時詞賦賢才。多歸梁國。遂謝病西遊。與諸生同事。雖幸蒙知遇之隆。尙未遑逸羣之志。不意孝王捐館。賓客解散。挾綃者懷珠自悲。曳裾者褰裳濡足。良可嘆也。思欲退歸田園。徒苦蕩析家業。江湖不能遂其志。廊廟弗克展其才。命也何尤。幸有相知王吉。筮仕臨邛。昨日修書來邀。不免暫過一回。再作區處。正是雲淡水平烟樹簇。

鴈飛汾上不宜秋。已曾分付青囊。收拾行李。想已完備。青囊何在。〔丑上〕翠篋乘黃卷。青囊伴綠琴。蕭然何處去。千里覓同心。相公。行李已備。就請起程。〔生〕青囊。你曉得此行呵。心中有多少不平之氣。那一件所感之事。所觸之景。不關上愁來。〔丑〕相公。怎見得。〔生〕你不知道。

〔高陽臺序〕命壓孤身。愁深雙淚。英雄到底埋沒。有用文章。番成無限悲切。酸咽。空教幾度秋風也。向蕭條夢裏分說。這早晚塵途。怎如他朝臣待漏。玉珂金闕。

〔丑〕相公。這功名事怪你不得。

〔前腔〕堪噫。紫閣垂紳。朱門授簡。當時已慚裾曳。何況飄蓬。轉眼又成胡越。愁殺。那更路渺雙親也。論姻緣未諧閨閥。把一生合受團圓。變爲殘缺。〔生〕青囊。你看這景色呵。

〔前腔〕銷骨。短劍無鋒。孤琴罷響。荒村野店黃葉。一點征鴻。愁共遠天俱絕。心裂。貂裘已破黃金盡。這凍魂仗誰醫熱。怕從今無限淒涼。恨深啼鵲。

〔前腔〕〔丑〕相公。休怯。你病入凋梧。貧依衰草。一時計窮途拙。且自藏珍。張儀尙

存餘舌。須達終還有箇與我提攜起。成就了無心事業。那時節雲翼飛騰。身名雙絕。相公天色已暮。古道無人。快請趕行前去。

〔尾〕〔合〕臨邛遠在孤雲末。天邊歸鳥隨雲疾。人去雲空和鳥沒。

故人書寄北風遙。

千里心旌望去輶。

今日夕陽衰柳畔。

一鞭秋色馬蕭蕭。

第三齣 文君新寡

〔梨花兒〕〔淨扮女婢上〕春蘭喫苦常叫天。夏蓮不見男兒面。秋菊心酸知幾遍。

嗟。冬梅較我還輕賤。

自家卓府中使女山茶便是。因老相公著我每在後花園中輪班打掃。

只得在此伺候。如何同伴的不見到來。呀。話猶未了。來得恰好。玉蘭姐已至。〔丑上〕

〔前腔〕梅香似我天下難。春心一發無由散。從入朱門愁不挽。嗟。知心常似天涯遠。〔淨見譚介丑〕閒事休纏。今日秋風颯颯。必有殘葉堆陪。怕老相公到來遊翫。不如乘此打掃。

一回何如。〔淨〕玉蘭姐言之有理。我和你到碧梧亭一帶掃去來。〔掃介〕

〔清江引〕碧梧亭下殘枝滿。擁雪羅裙短。行過木樨軒。重到芙蓉館。向池頭戲鴛鴦。愁無件。玉蘭姐。這壁廂打掃已完。再到丁香亭去來。你看幽香雲澹。空翠烟霏。好生景致也。

〔丑〕是好景致。如今待我掃。

〔前腔〕水晶簾額丁香館。挽處游絲斷。輕靄碧林重。斜日蒼苔滿。過欄杆。怕風來。吹頭亂。山茶姐。我和你打掃已完了。倘那女娘公子到來。你卻奉承那一個。〔淨〕我喜那似娘兒。鬪百花。只見滿宮花。滿路花。一庭花。後庭花。錦上花。雨中花。一枝花。一叢花。金錢花。木蘭花。蝶戀花。解語花。花開多少懷春女。難道山茶不惜春。〔丑〕好好。你春興發作了。〔淨〕休取笑。你卻奉承那一箇。〔丑〕我喜那醉公子惜餘春。只見錦堂春。漢宮春。月宮春。鳳樓春。玉樓春。武陵春。絳都春。沁園春。塞垣春。燕臺春。上林春。春來多少貪花漢。難道玉蘭不是花。〔淨〕好好。我的春興發作。你的花心也動了。內作鴉鳴介丑淨驚介〕呀。不好了。去了罷。怕老相公到此。惹出閒事來。老天。老天。莫使鴉鳴鵲噪。早成鳳友鸞交。〔下〕

〔西地錦〕〔旦上〕舞鸞衾翠減。啼珠鳳蠟紅殘。畫屏空自遶湘山。人共楚天俱

遠。香肌縮處損纖腰。欲減羅衣寒未消。風觸珠簾自無賴。葉喧涼吹漸蕭條。奴家卓氏。小字文君。同胞弟妹。只有卓勝文姬。自身叨長。毓秀閨房。初憑爹爹諾。寶太后之姪。寶圭爲妻。不幸芳年十七。未字而寡。冰蘖之操。雖執之甚堅。奈蒼親既逝。空闔無聊。春鶯秋燕。甚難爲情。隨身侍女雖衆。僅足以供使令。只有孤紅小妮子。從幼伴奴習些針黹。讀些典籍。悶來閒話。頗似知音。今日爹爹在後園賞桂。邀我同遊。不免喚他把鏡兒來。恐怕髮亂了也。孤紅何在。〔貼上〕惜春常怕花開早。厭漏偏愁月上遲。咬碎羅衫人不識。風情惟有絳脣知。小姐。孤紅萬福。〔旦〕孤紅免禮。〔貼〕小姐。你爲何這幾日玉減香消。花慵月懶。敢有甚麼心事來。〔旦〕女孩兒家那有心事。〔貼〕小姐。那婚姻大數也。夫婦大倫也。大數固不偶。大倫容可廢乎。況鳳管未逢蕭史。藍橋不識裴航。既無一夜之恩。安有百年之義。寶郎無緣。一旦捐館。小姐芳姿絕世。妙韻可人。常有名賢爲配。國士成雙。烏得拘拘小節。遂缺陷半生。〔旦〕孤紅言之差矣。忠臣不易主。烈女不更夫。此古聖之言也。豈有未嫁易節。以身殉欲者乎。若老相公知道。就要罪你了。今後決不可如此。我纔喚你。要取鏡兒。可到繡奩中。帶取一枝花朵來。〔貼應介〕照花前後鏡。花面交相映。莫作鏡中花。霧隔頭難並。〔暫下取鏡上〕能照千盤髮。難諳一片

心。小姐。鏡兒在此。〔旦照介〕

〔二郎神〕雲鬟亂。苦愁容。對菱花獨看。恨倦倚纖腰。春未半。使秋光先到。黃花瘦入朱顏。竟何事。鈿蟬零落遍。鳳釵橫一朝分散。鏡兒。羨甚麼團圓。怪人間到有孤單。孤紅。你看我呵。綠鬢易銷。春思淺。青絲難掠。晚妝殘。真好苦也。〔貼〕小姐。你臉如芙蓉。眉如遠山。肌膚柔滑如脂。這等芳容。難道終身孤另。

〔前腔〕幽閒。春山橫黛。秋波蘸眼。那映水芙蓉。凝嫩臉。奈淚珠拋盡。青絲一味蕭閒怨。結髮今鬆愁鬢寬。知甚日赤繩重綰。鏡兒。少一箇畫眉郎官。使清光瘦減。嬋娟。小姐。可憐你月思盡。淹秋水。下風情。卻老鬢雲間。待何日揚眉對月。櫛髮乘風。〔旦〕孤紅。我忽然身子不快。不去後園遊翫了。〔貼〕既不去呵。那琴是小姐所好的。何不以此自娛。〔旦〕不要。

〔集賢賓〕鍾郎已死。虞舜遠。知音寡矣。羞彈。〔貼〕琴既不用。看書如何。〔旦〕不要。識字番令愁莫展。怎看得書中題怨。〔貼〕繡牀上。完些女紅如何。〔旦〕也不要。蓮花並榦。怎繡得心中絲斷。〔貼〕小姐。俱不好呵。待奴家吹簫一曲如何。〔旦〕也不要。秦樓畔。聲裂處。鳳

來人散。〔貼〕小姐俱見差了。那琴兒

〔前腔〕朝飛雉縵聲固遠。須知九嶷幽恨堪憐。書中意呵。不是淫詞和浪簡。終未可午窗拋倦。女紅呵。休認做閒拈針線。看眼底鸞迴鳳轉。那簫呵也何妨。銀橋畔。明月夜玉人教遍。〔淨副淨上〕靜臨蘭檻卸頭時。鈿葉菱花錦帶垂。欲勸主娘花下去。膽瓶先贈木

犀枝。小姐。老相公在西園賞桂。等候多時。又著我們來請。望乞就移蓮步。〔旦〕我身子不快。不去。了。〔貼〕小姐。嬌體雖可惜。父命不可違。孤紅與你久滯深閨。也帶挈耍一耍。〔旦〕既如此。勉強走一遭。

〔貓兒墜〕綺花似翦。錦步獨承蓮。袅娜腰肢悶不前。蕭蕭梧葉角門邊。〔合〕走遍。直待要歷盡林亭。轉過鞦韆。〔淨副淨〕小姐。快些請罷。

〔前腔〕西園又晚。銀月忽籠煙。絳燭光生碧樹間。花梢珠斗又爛熳。〔合前〕〔尾〕此行共入天香院。看河漢粼粼碧淺。好一似隨著嫦娥到廣寒。

絳綃風動怯身寒。

行到花間待月看。

漫掩朱扉合金鎖。

不容人倚玉欄杆。

第四齣 設館都亭

〔一翦梅〕〔小生上〕故人寥落寄窮途。音問常孤。魂夢常孤。便鴻曾附數行書。知在成都。知在神都。昔日金蘭誼。今朝雲水遙。如何千里別。能使一心焦。下官王吉。表字祥甫。今爲臨邛縣令。追念故人司馬相如。宦遊不遂。曾作書往邀。如何久無消息。昨夢可喜。想是今朝到也。不免喚吏去問亭長。可曾打掃都亭未。司吏何在。〔副末上〕得請三尺法。勝讀五車書。告老爺。有何鈞旨。〔小生〕差你到都亭中去問亭長。可曾打掃完備。待司馬相公到時。請在亭中暫歇。就來通報。〔副末〕理會得。相期楊柳天邊客。分付梅花驛裏人。〔下小生〕叫皂隸。著直當老人。整備果酒。都亭伺候。〔衆應介小生〕渭北江東人未見。暮雲春樹獨依依。〔下〕

〔風檢才〕〔淨上〕皂羅袍著來又破。烏紗帽帶來偏大。說起接官心也苦。鎮日間受饑餓。如此卑官不思做。自家都亭長便是。到任不多時。只見上司來往。年紀又大。常例又無。不知受了許多辛苦。前日大爺分付。教我打掃都亭。有鄉里來到。不免伺候一回。呀。一箇提控又

來。畢竟也爲他了。

〔前腔〕〔末上〕要當該非千小可。守房科其實難過。容易三年沒事務。到後來落一箇。大使倉官雜職做。恰纔遵大老爺之命。來到都亭。且喜亭長在此。與他作揖。〔見介末〕大老爺差我來問都亭。可曾打掃完備了。〔淨〕提控。你自請看呀。那牌頭也來了。

〔前腔〕〔小丑上〕氣轟轟承牌似火。脚騰騰拿人似虎。事出官差豈是我。孔雀毛不多大。也到令人膽驚破。自家皂隸頭張虎勢便是。大老爺差我來喚直當老人買辦。各處尋他不見。來到都亭前。只都亭長提控在那裏。不免問他一聲。〔見介〕亭長提控。可見申明亭王八老人。〔淨〕那遠來滿頭灰的不是他。

〔前腔〕〔小淨上〕破頭巾枯桑葉補。爛鬚絲綿紗索做。鄉下奔來筋裸裸。媳婦兒極親我。常放公公殺些火。〔衆〕怎麼喫你殺了火。〔小淨〕難道公公會爬灰。煨媳婦不著的。

〔衆〕卻原來你到是一箇火頭。〔小淨〕休取笑。牌頭。你尋我做甚。〔小丑〕大老爺著你整備果酒。在此等鄉里到來。〔小淨〕這箇有。〔小丑〕也看我與外郎相公在此。你兩人請我一請。〔淨小淨〕就到

酒肆中去。〔合〕

〔前腔〕買鋪陳好歹賺箇。齋廬給左右沒數。喫得些兒無罪過。上小樓兩傍坐。逢酒須吞不論大。

偷得官身。

刻些公帳。

大家一醉。

不許留剩。

第五齣 王孫作釀

〔二江風〕〔生丑上〕喜停車已入仙郎縣。政治民安堵。滿城中聲遍絃歌。教化如東魯。田野草萊除。田野草萊除。公門鳥雀虛。不三年成了彈琴治。〔淨上〕方纔說大老爺鄉里要到。你看遠遠來的莫不是他。我且問那相隨的人。便知分曉。〔問丑介〕你家相公可是大老爺鄉里。〔丑〕正是。你問他怎的。〔淨驚介〕亭長跪見。〔生〕請起。〔淨〕請相公在亭中少坐。王老爺就來了。〔生〕曉得了。煩你通報一聲。〔淨〕通報通報。疾忙來到。〔下〕

〔生查子〕〔小生衆上〕官況托冰壺。友誼敦芳醕。數載夢中孤。今日樽前聚。〔衆報

介見介生。久別丰儀。常念一雙鳬鳥。〔小生〕自違顏範。每懷四海交情。〔生〕祥甫民人社稷。已伸仕學之功。忠信明察。不愧臨民之本。聖門三善。施以一心。可敬可嘉。〔小生〕長卿學貫天人。暫繫冲霄之翼。術兼文武。聊羈軼駕之才。富貴逼人。功名在邇。至如小弟薄劣。何足爲長者道哉。特治水酒一杯。與兄洗塵。左右將酒過來。〔遞酒介〕

〔惜奴嬌〕特進醍醐。忝當年舊雨。今洗塵塗。愁城內願破許多辛苦。從來淪落世途。君須屈指樽前遍數。飛鳬喜能到海雲邊。握手舊人相訴。

〔鬪寶蟾〕〔生〕追思鮑叔夷吾。總交情似水。久要如故。看乾坤今古。有幾人爲伍。幸遇當歌豪氣逸。橫劍俠心孤。且傾壺。君須念入秦張祿。投朱季布。〔小生〕久不奉晤。須索痛飲。就求一令行酒。〔生〕是如此不敢辭。〔行令介〕

〔生查子〕〔外上〕身老愛才華。座上皆珠履。〔末上〕相約駕香車。芳草迷遊處。卓老先生拜揖。〔外〕程先生拜揖。適承走使相期。同往都亭。以拜嘉客。東帖已備。就請同行何如。

〔末〕領命。〔外〕飄飄飛蓋欲訪花。行過都亭駕小車。〔末〕日暮水聲山色裏。畫橋烟樹接平沙。〔衆〕